

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

12. Pueri admirabilis amor paupertatis.

urn:nbn:de:hbz:466:1-45699

gantq; singula, cernuntq; manicas insigni purpurar utilantes, aiuntq;
ad eam: *Quis umquam crederet, domina Catharina, tanto pretij vesti-
bus ut te voluisse? Ignorabant enim Christum coheretasse sponsam suam.*
*Testabatur hac familia, quæ his interfuerat, itemq; sancta memoria ma-
gister Petrus, eius confessarius. Decubuit quandoq; S. Virgo, petiijq; ab
eius matre eam inuisendi copiam quidam nobilis Baro, Ludovicus nomine.*
*Erubuit vero familia quod vir tantus ad eam in vili lectulo iacentem es-
accessurus. Erat is lectulus stramineus, ad caput cervicale exiguum: por-
ro operimentum vetustum consumatum, ac nullius pene pretij. Sed Do-
minus IESVS, qui sua inopia seruorum voluntariam paupertatem
maxime illustrem reddidit, non defuit sponsa sua. Cum enim potens ille,
& opulentus vir multis stipatus ad eam accessisset, videbatur ei lectulus
illius aureo purpureo testu operimento. Stupens igitur dixit famulis suis:
*Hæ domina pauperes ab omnibus putantur: nam saepe ob res necessaria
emendas, pecuniam mutuò accipiunt. Prestaret, illas tanti pretij pur-
puram, tantumq; apparatus, quem illic vidimus, disfrahere, quam
premit inopia. Ita nimis Deus pauperculæ sua inopiam vel hone-
stare voluit, vel occultare, ut noua corona patientia ornaretur;*
dum Virgo vidua, in vili lectulo, immò stramine decumbens, in
purpura iacere putaretur; & medulla humilitatis, pro superba ha-
bita, magis humiliaretur. Siquidem inter alias virtutes, quarum
celobri opinione apud omnes mirificè redolebat, erga domesticos, & qui
eam iniuria afficerent, S. Virgo egregiam semper animi patientiam decla-
rabat. Accurate enim secum perpendit, si quid à nobis bene gestum sit,
id facile redigi in nihilum, si sit animus patientia desitutus. Vt igitur so-
lent odores, tum latius spargi, cum commonetur: ita hec SVirgo, ini-
urijs, & persecutionibus infestata, præcipuum exhibebat patientiam:
hanc aliter quam qui eam affectisset beneficio, diligens eos, à quibus offensa
fuisse. Virum autem vera quis sit humilitate preditus, tum potest in-
telligi, si placide ferat iniuriam. Hæc humilitas à Deo etiam in hac
vita fuit exaltata; in qua etiam patuit, quæ magna sit vilis ve-
stimenti, & exigui lectuli voluntariè pauperum, in oculis Dei,
pulchritudo; quidque in altera vita sperandum sit ijs, qui futura
ita nōrunt sperare, ut præsentia possint spernere. Si enim tantus
honor est belli, quanta erit gloria triumphi?*

vt etiam viri ab hac ætate audirent, picem tutius tangi, quām monetam, complures de puer Toraltano scriptores meminerunt, præsertim autem Meyerus, in Annalibus Flandricis. Oppidum est quoddam Flandriæ, Thorouth dictum. In eo, circa Annum Seruatoris 1220. puer fuit, Achas nomine; honestis pariter & copiosis parentibus ortus; ætate quintum annum nondum excedebat, prudentia autem atque pietate, etiam quemuis ex adultioribus superabat. Nisi membrorum, & totius corporis exilitatem vidisses, puerum esse negasses, tanta erat in eo morum dignitas. Oculos incidentis modestia deorsum flectebat; manus sursum tollebat pietas orantis; pedes ambulantis matura grauitas, linguam loquentis ipsa Suada regebat; denique in toto vultu gratiae videbantur habitare. Hic tantillus pusio, quām primū in aspectum venit Fratrum minorum, cœpit igniculos persentiscere, Ordinis eius, quā posset, imitandi. Quare non desit antè parentes precibus, lachrymis, gemitu fatigare, quām ab eis obtineret, ut simili amictu vestiretur. Annuerunt illi tandem, & puerile desiderium esse existimantes, cum tempore, putauerunt abitum. Verū longè aliter res accidit. Nam cum tempore desiderium creuit, immo & studium. Quod parentes, & vicini manifestis argumentis cognoverunt. Cœpit enim Achas non iam habitum tantum, sed etiam reliquos eorum Religiosorum mores consuetudinesque ad amissim obseruare. Itaque & cucullatus procedebat, & nudis pedibus, quamvis frigus esset, & lumbos nodoso duroque fane stringebat. Sed, ante omnia, argentum & aurum maximopere fugiebat tangere. Diebus solennibus, vicinorum pueros vndiq; in plateis conuocabat, inque eorum medio sedens, concionabatur, moresque singulorum examinabat accuratissime; si distorti essent, si pertinaces, si superbi, nimisque vestibus culti, aut inue- recundi, arguebat eos, propositis inferorum supplicijs: si modesti, si ad pietatem proni, cælestem illis gloriam promittebat. Quin & orare docebat ignorantes, atque crucem formare, genuaque ad Deiparam salutandam flectere. Dum hæc talia publicè gereret, non raro ipsi quoque senes cum filiis suis confluxerunt ad illum, mirificeque verbis & factis illius delectabantur. Quin adeò censuit officij sui esse, vbique caussam Dei agere, vt ausus sit ipsos quo-

B b que

Meyer. in An-
nal. Flandr.
An. 1220.
Thom. Can-
tipr. lib. 2.
Apum. c. 28.
§. 2. Molan.
in natal. SS.
Belgij, die II.
Iunij.

que suos parentes monere, si quando viderentur delinquere. Nam & patri temerè iuranti, aut iusto plus bibenti, aliudue indecent quiddam admittenti flens dicebat: *Pater charissime, numquid Presbyter noster, in Ecclesia dicit, quia qui talia agunt regnum Dei non possunt fidebunt?* Matri, quodam festo die, cùm Sidonium in morem vestes ostroqué auroqué rigentes gestaret, in templo, coram conscientibus, moerens, & suspirijs intermixtis dixit: *Intuere, mater, intuere, & videas Dominum nostrum IESVM Christum nudum in cruce pendentem, Sanguine rubricatum, & tu te in contumeliam eius vestibus scarleticis adornasti?* Cauē, mater, caue charissima, ne pro rubore vestium pœnas ignis infernalis incurras. Hæc parvulus Franciscanus: nec sine fructu. Mater enim quam primum domum rediit, purpuram abiecit, neque amplius, ut eam resumeret, potuit induci. Hunc paupertatis amorem non tantum in suis, & maternis vestibus ostendit, sed maximè omnium in pecuniarum detestacione. Diuerterant aliquando in paternam domum quidam Negotiantes. Ibi viderunt pusionem cucullatum, nihil leue, aut puerile tractantem. Mirati in aliena ætate maturitatem, parentes eius interrogarunt, quid rei id esset? Aiunt parentes, unico alloquio Fratrum minorum, puerum ita captum esse amore Ordinis illius æmulandi, ut ex eo tempore, numquā destitorit facere, quæ ab illi fieri animaduertisset. Quin adeò in eo vitæ instituto tenacem, ut pecuniam magis horreret, quam anguem attingere. Quod possumus iocosi hospites intellexerunt, nummum, clam puer, populo, ex quo bibeant, indidere; idque, quod vini in fundo supererat, iussere puerum ebibere. Paret ille, sed exhausto vino, nummum reperit. Ibi, quasi cacodæmonem ipsum reperisset, ita horrendis modis cœpit exclamare, projectoque in terram vase, oculos & manus in cælum tendens, atque vberrimè lachrymans dixit: *Tu nosti, Deus omnipotens, quod inscius Ordinem meum visitavi.* Optarem pari dolore affici multos, qui scientes volentesque ordinem suum violauerunt! Nam cum dicto Achas toto vultu expalluit, omnibusque membriscepit contremiscere; ac mox quasi ex tempore moriturus, redeunte sanguine copioso, tota rursus facie denigratus est. Territi sunt hospites, expauerunt parentes; Pater properè acciuit sacerdotem, qui puerō absoluto manum imponens,

ponens, dolorem mitigavit. Tantus erat horror pecuniae tangendae. Sed non ita diu postea superuixit: nondum enim expleto etatatis septennio, consummatus in breui explexis tempora multa; placita etiam erat Deo anima illius. Raptus est, ne malitia mutaret intellectum ipsius, aut ne fictio deciperet animam eius. Eo sanctissime defuncto, tunica, qua ægrotantis corpus tegebatur, repente disparuit, à nullo postea vñquam visa; quippe quam Angeli cum anima illius Deo præsentauerunt. Inter alia mira, quæ mortem eius sunt secuta, fuit, quod parentes eius ita commoti sint filij exemplo, ut & ipsi, spretis rebus omnibus, mundo nuncium remiserint, & pater quidem in Ordinem Dominicanorum, mater autem Cistertiensem, uno tempore, intrantes docuerint, virtutem non tantum à parentibus in filios, sed etiam à filiis in parentes posse propagari.

Sap. 4.

Pratermissis alijs numero parentibus, agmen claudant, qui sanguine regio, etate iuuenili, virtute plus quam heroica admundum clari, meritò alios rapere possunt ad imitationem, contemtumque diuinarum, & amorem paupertatis. Mechtildis filia regis Scotie quatuor fratres numerauit, è quibus unus Dux, alter Comes, tertius Archiepiscopus, omnes diuini abundantes, quibus tamen inopiam sponte anteposuerunt. Nam Dux, Christi imitandi amore, vxore relicta, spretisque Mundi illecebris, pauperimus exulauit. Comes sæculari pompæ vitam eremiticam prætulit. Archiepiscopus, deposita mitra, atque regimine abdicato, in religionem Cistertiensem se abdidit, omnes pauperiem, quam alij fugiunt, sectantes. Quartus superfuit, natu minimus, nomine Alexander, sedecim annorum adolescens, hunc pater sceptro destinauit, regnique fecit successorem. Virgo viginti tunc annorum erat Mechtildis sorore eius, quæ fratrem ita est affata. Alexander, frater charissime, quid nunc ages? Fratres tui maiores nam suum mundum terramq; deseruerunt, ut eolum acquirerent: regnum preuerunt mortale, ut regna perpetua possiderent. Tibi ergo soli regnum relatum est, pro quo es & cælestem gloriam, & animam perditurni. bona indoles non indiget multis verbis. Dictum igitur hoc unicum ita Alexandro adolescenti altè in pectus descendit, ut totus in lachrymas resolutus, videretur utique pluris facere regni cælestis, quam terreni jacturam. Neque distulit deliberationem, sed cum

XVI.

Bapt. Fulgos.
lib. 4. c. 4. &
Thom. Can-
tiprat. lib. 2.
Apum. c. 10.
§. 3. & seqq.